



220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил «31» Март

№ 672

Боғот шаҳарчаси

Найман қишлоғи ҳудудида фаолият кўрсатаётган “Ислом” фермер хўжалигига қўшимча узоқ муддатли ижарага ер участкаси ажратиб бериш тўғрисида.

Найман қишлоғи ҳудудида фаолият кўрсатаётган “Ислом” фермер хўжалиги бошлиғи Б.Собировнинг фермер хўжалигига қўшимча ижарага ер майдони ажратиб беришни сўраб туман ҳокими номига йўллаган сўровномасини ҳамда бу юзадан фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг, туман фермер, деҳқон хўжаликлари ва томорқа ер эгалари Кенгашининг хулосаларини, Халқ депутатлари туман Кенгашининг тавсиясини кўриб чиқиб, Ўзбекистон Республикаси “Ер кодекси”нинг 6,53-моддаларига, “Фермер хўжалиги тўғрисида”ги қонуннинг 11-моддасига ҳамда Ўзбекистон Республикаси “Маҳаллий давлат ҳокимияти” тўғрисидаги қонуннинг 6-моддасига асосланиб

ҚАРОР ҚИЛАМАН:

1. Найман қишлоғи ҳудудида фаолият кўрсатаётган “Ислом” фермер хўжалигига Найман қишлоғи ҳудудидаги туман ер захира фондидаги қишлоқ хўжалиги харитаси бўйича **273к- контуридаги умумий ер майдони 3,4 гектар, шундан 3,3 гектар экин ери, 0,1 гектар арик ва зовурлар остидаги ерлардан** иборат бўлган ер участкасини қўшимча ижарага ажратиб бериш мақсадга мувофиқлиги ҳақидаги фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг хулосаси маъқуллансин.

2. “Ислом” фермер хўжалиги бошлиғи (Б.Собиров)га Боғот тумани ҳокимининг қарори билан ажратиб берилган Найман қишлоғи ҳудудидаги **405,407,416,409,413к,414,415 - контурлардаги умумий ер майдони 8,4 гектар шундан 7,7 гектар экин ери, 0,4 гектар арик ва зовурлар остидаги, 0,3 гектар йуллар остидаги ерлардан** иборат бўлган ер участкасига қўшимча Найман қишлоғи ҳудудидаги туман ер захира фондидаги қишлоқ хўжалиги харитаси бўйича **273к- контуридаги умумий ер майдони 3,4 гектар, шундан**

3,3 гектар экин ери, 0,1 гектар арик ва зовурлар остидаги ерлардан иборат бўлган ер участкаси билан умумий ер майдони 11,8 гектар, шундан 11,0 гектар экин ери, 0,5 гектар арик ва зовурлар остидаги, 0,3 гектар йуллар остидаги ерлар билан банд бўлган ер участкаси қолган (34 йил) муддатга ижарага ажратиб берилсин.

3. “Ислон” фермер хўжалигига кўшимча ер майдони ажратиб берилиши муносабати билан Боғот тумани ҳокимининг қарори билан “Ислон” фермер хўжалигига ер майдони ажратиб бериш қисми ва ер участкасини узоқ муддатли ижарага олиш шартномаси бекор қилинсин.


4. Туман ер ресурслари ва давлат кадастри бўлими (К.Хусинов)га фермер хўжаликларига қишлоқ хўжалиги учун ер майдонлари ажратиш масалаларини кўриб чиқувчи вилоят комиссияси томонидан кўриб чиқилиб, вилоят ҳокими қарори қабул қилингандан кейин туман ҳокими билан “Ислон” фермер хўжалиги ўртасида ер участкасини узоқ муддатли ижарага олиш шартномасини тайёрлаш, рўйхатга олиш ва ер участкасини жойида (натурада) далолатнома асосида белгилаб бериш вазифаси топширилсин.

5. “Ислон” фермер хўжалиги бошлиғи (Б.Собиров)га ажратиб берилган ер участкаси атрофларини бегона ўтлардан тозалаб бориш, арик бўйларига тут кўчатлари ўтказиш ва уларга қаровни белгиланган муддатларда амалга ошириш доимий вазифа қилиб белгилансин.

6. Ушбу қарорнинг тасдиғи фермер хўжаликларига қишлоқ хўжалиги учун ер майдонлари ажратиш масалаларини кўриб чиқувчи вилоят комиссиясидан сўралсин.

7. Ушбу қарорнинг ижросини назорат қилишни ўз зиммамда қолдираман.

Боғот тумани ҳокими



О.Холбоев